



He. 70.

D. CHRIST. AVG. CRVSII
OBSERVATIONES
DE
V S V
VOCABULI NOMΟΣ, LEX,
SIGILLATIM
IN EPISTOLA S. PAVLI AD ROMANOS.
SECTIO TERTIA.

PROPOSITA
IN ACADEMIA LIPSIENSI
FESTO RESVRRECTIONIS CHRISTI
CID IDCC LXVI.

In perlustranda epistola S. Pauli ad Romanos, in qua obseruare instituimus, quo sensu in vnoquoque loco accipiatur verbum N O M O Σ, L E X, (nam de huius verbi vsu in S. literis, quem nosse magnopere refert tum ad recte percipiendam doctrinam salutis, tum ad interpretandum, binis iam programmatibus commentati sumus *), primum generatim, dein per inductionem locorum ex epist. Pauli ad Romanos) peruenimus nuper usque ad finem Cap. III. et ultimum composuimus ēvāytiōφāvelay inter Paulum et Iacobum, testantes de iustitia ex fide sola, nec non ex fide et operibus. Pertexamus iam telam, quam exorsi sumus.

Redeamus igitur ad filium sermonis Pauli, idque vterius persequamur. Dixerat C. III. 31. docenda fidei iustitia nihil aboleri de doctrina legis, nempe Mosis et Prophetarum, sed legem statuminari. Quod quomodo fiat, toto capite quarto illustratur. Vtitur exemplo Abrahāmi, recteque hoc potissimum et uberrime. Moses enim ad nihil aliud vocatus est, nisi ut minister esset implendi foederis, cum Abrahamo factū, nec nouum fuit foedus cum Israēlitis, sed veteris illius executio, Exod. III. 2. 6-10. VI. 2-8. XIX. 4-6. XXIV. 7. 8. Rursus per Prophetas continuatur oeconomia Mosaica, omnes Verbum Dei per Mo- sen datum praesupponunt, huius omnes superstruunt, nullus eorum vel docuit quidquam, vel docere potuit, vel videri potest docere voluisse, quod libris Mosis contrariaretur. Quamobrem unum Abrahāmi exemplum satis est ad quaestionem, qualis iustitia fuerit iustorum in V. T. qualis a lege doceatur, penitus dirimendam. Notat tamen Apostolus, quasi obiter, etiam Dauidis exemplum ex dicto in Psalmis, quod propterea factum videtur, quoniam Hagiographa, in quibus liber Psalmorum primus est, partem codicis sacri tertiam et extremam efficiunt, ideoquē sic innuitur, legem seu Scripturam a capite ad calcem non aliam docere iustitiam, nisi eam, quae fide in gratiam Dei promissam continetur, neutiquam sit ex operibus humanis. Scilicet iustitia Abrahāmi tribuitur fidei, salus a Dauide accepta refertur gratiae, peccata remittenti. C. IV. 1-5. Ecquid igitur dicemus Abrahāmum, patrem nostrum, reperiisse secundam carnem? (in omnibus, quae de rebus humanis illi vel promissa vel constituta sunt, vel ipse inter homines gescit. Huc enim se recipere debent, qui iustitiam ex operibus legis comminiscuntur, praesertim ad circumcisionem v. 9. qua cum prole sua Deo consecratus fuit.)

Nempe

*) Vid. progr. festo reformationis Ecclesiae, et festo nativitatis Christi 1765.

Nempe si Abraham ex operibus iustus fatus est, (quod conceditur, quantum iuste egit et fuit vir iustus) habet, unde gloriatur, sed non erga Deum (distinguitur iustitia κατέναντι τῷ Θεῷ v. 17. cuius καύχημα est πρὸς τὸν Θεόν, quae Deo asseritur, ut causae, vel fidei, ut instrumento, estque διαίσθεντο τῷ Θεῷ ἐπὶ τῷ πίστει, ab alia iustitia, quae operum est, et in vita humana cernitur, sed coram Deo non efficere potest, ut peccator non iudicetur ut peccator, nec ut peccata remittantur.) *Quid enim Scriptura dicit?* Credidit autem Abraham Deo, idque illi iustitiae datum est. Operanti autem merces non adiudicatur secundum gratiam, sed ex debito. At non operanti (quod pertineret ad impetrandum id, de quo quaeritur, hoc loco ad impetrandam iustitiam) credenti autem in eum, qui iustui pronuntiat eum, qui impius est, (qui Deum sic non coluit, ut suo opere iustus esset) iustitiae dicitur fides eius (hoc ipsum illi iustitiae est, quod benignam clementis Dei voluntatem libenter amplectitur.) *Quemadmodum etiam David eloquitur illud beati praeconium, quod hominis est, cui Deus iustitiam accenset, sine operibus (quamquam non habenti opera, quibus iustus censeatur): beati, quorum remissae sunt iniqüitates; beatus ille, cui non imputauerit Dominus peccatum.*

In sequentibus, quae ad finem usque capituli IV. de Abrahamo tractant, duo bene notanda sunt. Alterum est, quod supra dicebam, inter res, quae Abrahamo secundum carnem, instituto nempe carnali et in carne peragendo, obtigerunt, nihil maius occurrere, quam circumcisionem, quam ipse et posteri Deo sacrati, et speciali foedere iuncti fuerunt. *Quamobrem Paulus obseruare docet, iustitiam Abraham tributam esse, antequam esset circumcisus, et notanter expresseque scriptum extare, quod fides ipsi iustitiae fuerit.* Ex utroque patet, circumcisionem non dedisse iustitiam, sed huius sigillum fuisse. Iam quia dubitari nequit, benedictam Abrahami prolem non alia ratione iustificandam esse, quam Abrahamum ipsum, in quo censebantur, ac si praesentes essent, et a quo gratia foedere promissa ad omnes manare debuit, qui pro eius filiis habentur: sequitur, ut eadem salutis conditio de prole Abrahami valeat, et circumcisione non tribuat iustitiam, sed fides, quae promissioni credit, cuius sacramentum erat circumcisione. Adeoque Abrahamus omnium ita credentium, ut foedus gratiae diuinae ab illo accipiant, Pater est, siue circumcisii sint, siue non, quoniam circumcisione iustitiae accidentalis est, et, postquam hanc iam possedit, demum accessit. Hoc tantummodo opus est, ut par modo credant, quemadmodum Abraham, quo fide iusti esse possint instar illius. Vide v. 9-12. Idem valet de tota legislatione, quae Mosis ministerio contigit. Haec enim tantum abest ut repugnare possit foederi



III

deri Abrahamo dato, ut potius solummodo illius executio sit v. 13. 14. Non enim per legem (per vniuersa illa, quae ministerio Mosis sancta sunt; lex hoc loco dicitur metonymice obiectum praecipuum librorum Mosis seu legis, quippe quod Iudaei potissimum spectare consueuerant, quemadmodum etiam fides dicitur tum qualitas mentis, tum doctrina Euangelii, tum eius obiectum principale, Gal. III. 23-25.) *promissio contigit Abrahamo*, (nam lex post quatuor secula, et quod excurrit, data est) aut soboli eius, scilicet illud, quod vniuersum terrarum orbem possidentem accepturus sit, sed per iustitiam fidei. Nam si illis, qui ex lege sunt, (qui legem Mosis acceperunt, eaque freti sunt) *possessio decreta est, inanis redditia est fides, et abolita est promissio*. Iam docetur, quomodo rei natura non aliter permittat v. 15. *Lex enim* (subaudi, si tollas promissionem gratiae in Christo. Nam contra tales disputat, qui neglecta gratia operibus legis confidebant, quasi haec hominis iustitiam coram Deo efficerent, ideoque veram Dei iustitiam negabant, eamque operibus legis perperam adfingebant. En, quomodo pro substrata materia e notione legis latius patente, qua libros Mosis, vel metonymice totum obiectum muneric Mosis, denotat, euadat angustior illa, ad quam constituendam Iudaei Apostolum cogebant, ut lex stricte dicta esset doctrina operum praestandorum, siue pars ea Scripturae, quae et quatenus imperat, quae ab homine facienda sunt) *iram operatur*. (Docendis, quae fieri oportebat, sed facta non sunt, testatur, peccatores Deum iratum habere) *Vbi enim lex non est, nec transgressio est.* Concluditur ergo iterum, quod ante docebatur, v. 16. 17. *Propterea ex fide* (obtingit promissio) *ut gratiae causa* (obtingat), quo firma sit promissio vniuersae proli, non illi tantum, quae ex lege est (quae sub legislatione Mosaica est) verum etiam cuicunque, quae est ex fide Abrahami (quae proles Abrahami censetur fide, pari modo adhibita promissioni ab Abrahamo acceptae) quippe qui pater est nostrum omnium: quemadmodum scriptum est: *constitui te, ut multarum gentium pater sis.* (Quibus verbis includitur, gentes fore, quae genus ab Abrahamo ducant, sed plus etiam dicitur per aenigma propheticum, successiue suo tempore soluendum. Nam quando venisset Christus, omnes gentes cum fidelis prole Abrahami, cui impleta est promissio de Christo inde oriundo, concorporande erant. Cuius rei signum iam lege Mosis datum est ea re, quod peregrini suscepta religione Israelitae censemur.)

Ex hucusque dictis satis perspicitur, quid Paulus in animo habuerit. Est tamen data occasione aliquanto magis expositum in epistola ad Galatas. Ex qua nunc id modo diligenter pensitandum commendamus, quod
Paulus

Paulus monet imperitos legis zelotas, qui lege contra Euangelium abutebantur, quod non perpendant, non duplicem vel multiplicem Abrahami sobolem in foedere diuino intelligi posse, propterea quod simpliciter dicitur: *tibi et semini tuo*, non tamquam de pluribus generibus prolis, quorum alia sub lege est, alia non est, sed simpliciter tanquam de uno sobolis genere, quod itaque iisdem semper conditionibus censendum est, qua dicendi ratione ad Christum remittitur, ὃς ἐστι Χριστός, id quod Christus est, i. e. quo nihil aliud denotatur, nisi Christus, qui scopus et summa promissionis est. Quod si ita est, proles Abrahami saluanda non censetur lege, quae serius lata est, quasi alia et alia proles Abrahami, ut haeres promissionis, induceretur, sed vnicce censetur fide verbo diuino adhibita, ut eadem ratio sit sobolis Abrahami ante et post legem. Nam e. g. si ex lege Mosis iustitia est, quomodo beatus est Isaacus, Iacobus, Kahath, Amram et sic porro? Alia atque alia proles Abrahami fingenda est, quae haeres promissionis sit, quod sane verbis foederis non congruit, nec adsuere quidquam licet diuinæ διαθήκης sanctioni, quippe quod iam iniustum et iniquum habemus, si fiat humanae διαθήκη, testamento. Gal. III. 15. 16.

Alterum, quod in sermone Pauli de fide Abrahami C. IV. 16-25. obseruandum restat, ad fidei indolem spectat, qualis fuerit, quid pro obiecto habuerit. Forsan fiducia generaliter in Deo posita laudatur? aut quod certo creditit, sibi problem fore, quia Deus promisit? Quod obiter legenti ita videri potest, propterea quod Paulus Abrahamum ab ea parte intuendum sistit, qua promissio de gignenda sobole prorsus fisis est, et si res non amplius naturaliter fieri poterat, sed miraculorum interuentu opus erat. Ex quo consequeretur, fidem iustificantem non modo esse fidem in Christum, sed quamcunque fidem, dummodo verbo et promisso diuino credat, eaque re Deum honoret, sed fidem, qualecumque obiectum habeat, quod variet pro hominum temporumque diuersitate, Deo ita placere, ut credentem clementer recipiat, eique peccata condonet.

Iam quidem concedo, fidem duplicitate spectari posse et solere, vel quatenus est acceptio certarum doctrinarum, quae est consideratio fidei obiectiva, vel quatenus est qualitas mentis in credente, certus nempe actus vel habitus, quae est consideratio subiectiva. Veluti fides subiectiva consideratur Ebr. XI. et eatenus describitur ut ἐλπιζομένων ὑπόστασις, προγνωστῶν ἔλεγχος μὴ βλεπομένων, firma animi consistentia (coll. C. III. 14. 2 Cor. IX. 4. XI. 17.) in iis, quae sperantur, certitudo de rebus, quae non videntur. Paulus enim in eo est, ut doceat, hoc obedientiae

VI

tiae Deo debitae exercitium, quod in tali mentis conformatione inest, qua animus certo desigitur in futuris et non viis, a mundo condito omnibus, qui Deo placuerint, impositum fuisse. Eaque re Cap. XII. usurus erat ad acuendum studium tenendae fidei in Iesum Christum, cuius reuelatio expectatur, gloria nondum cernitur, ne Christiani detrectarent officium credendi, aut, nouum quiddam et inusitatum requiri, sibi a maleulis persuaderi paterentur. Sane maximi momenti est illa fidei consideratio subiectua, sine qua nec seruabitur fides tempore difficulti, nec recte defendetur contra impudentiam profanorum, qui, quando maxime αφιλοσοφως nugantur, non capiunt officia, quae circa dirigendum assensum versantur, et explodunt officium credendi, quasi necesse sit, fidem, ubi officium est, rationibus destitui. Contra ipsi vel sentire ci- piunt, vel necessitatem rei propositae et modum comprehendere, antequam veritatem fateantur.

At enim vero in nostro loco secus est, et in epistola ad Romanos Paulus considerationem fidei subiectuam supponit, sed fidem obiectiu specat. Docet enim, acceptationem promissionis gratiae, quae in Christo est, hominibus saluti esse, ideoque fidem esse, qua saluari debemus, scilicet non propter dignitatem, quae in actu credendi inest, qui ipse est ἐγενόμης, sed propter dignitatem obiecti, quod fide amplectimur et accipimus. Itaque fides etiam Abrahami obiectiu cernitur, estque ea fides, quae Abrahamo iustitiae fuit, non alia, nisi fides in Christum, videlicet fides in eam Dei gratiam, quae generi humano in mittendo promissio Salvatore speranda proponebatur.

Obiectum autem fidei, quale Abrahamo propositum fuit, constat duabus partibus, altera, quod per Christum omnibus gentibus benedicendum sit, altera, quod inter posteros Abrahami Christus nascendus sit, et tempore, quo protes Abrahami numerosissima sit futura, ut numerari nequeat. Alterum igitur ab altero pendet, et sequitur alterum. Nisi fieret, quod oportet esse antecedens, quomodo fiet, quod debet esse consequens? Atque hoc communne erat omnibus piis V. T. qui ante Abrahamum et cum illo viuebant, ut exspectarent gratiam primis hominibus promissam, quod venturus sit e genere humano, qui inimicum seductorem damnaret, pugnamque cum illo gloriose conficeret. In qua promissione salus hominibus per hunc Venturum speranda iamiam inuoluta est. Positiue et aliquanto clarius promittitur in prima, quae Abrahamo obtigit, promissione. Atque ea in re non arduum fidei exercitium inest, sed adiumentum et lumen maius. Exercebatur autem et demonstrabatur vis excellens fidei Abrahami per vocationem exeundi e patria in terram incognitam, se ipsum per-

perpetuis periculis, opesque suas praedonum cupiditati obiciendi, eoque ordine sperandi, fore, ut posteros numerosos haberet, inter quos nasceretur, per quem toti generi humano benefaciendum sit Gen. XII. I-3. Caeterum is et vxor tunc ad gignendum nondum inepti erant, ideoque in proliis expectatione tantisper itidem modicum ineft fidei experimentum. Suspensa autem tenebatur fides viri, donec nulla gignendi spes naturalis supereret. Tum denuo aliquoties iteratam Christi promissionem e sua sobole nascituri accepit, in qua sane hoc admirabile est, quod spes principalis, Christus, alligata est ad conditionem physice impossibilem. Iam tempus erat, quo illustri documento constare poterat, quain firmiter Deo credit Abrahamus. Atque per occasionem huius in primis fidei exercitii, quod incipit a tempore, quo omnis spes foecunditatis Sarae occiderat, in quo fidei examine tamen bene stetit Abrahamus, additur causa, propter quam Abrahamus iustus coram Deo habitus sit, scilicet quod Deo semper et per omnia credere solitus fuerit, nec physica impossibilitate se a spe Christi deiici passus sit. Non enim de fide mere actuali, hoc solo loco et tempore praefixa, prudens verba acceperit. Agunt enim de habituali fide, in qua semper fuerat et firmiter mansit Abrahamus.

Atque sigillatum in nostro loco indubitatum est, Paulum verba Moses de fide Abrahani, quae illi a Deo iustitiae ducebatur Gen. XV. 6. accepisse vt locum communem et testimonium generale de charactere animi, qui in Abrahamo fuit, quasi diceret: Abraham solebat Deo constanter et per omnia fidem habere, ea que fidei obedientia illi iustitiae fuit, et quidquid alioqui in eius vita et virtute admirabile est, id maximum pretium inde habet, indeque perfectum est, quod Abram iustus ex fide fuit, quippe quam Deus ipsi in iustitiam imputauit. Nam hoc animo Mosen testimonium de fide et iustitia Abrahani interseruisse, clare patet, dummodo quis seriem rerum Abrahami in promtu habeat, quod Paulus, propter lectionem legis per sabbata, utique supponere potuit, eamque rerum seriem cum dictis a Paulo contendat.

Sic enim Paulus rationes subducit v. 16-25. Propterea promissio Abraham et proli eius non per legem sed per fidem obtigit, ut secundum gratiam (mera gratia) obtingeret, ut firma promissio esset vniuersae proli, non illi tantum, quae ex lege est, (quae legem accepit et ἐνόμος est) verum etiam vniuersae illi, quae est ex fide Abrahani, (quae verbo Dei ad Abrahamum facta, et tam multa postea gratiose euentura promitterent, pariter quemadmodum Abraham credit,) qui est pater nostrum omnium: quemadmodum scriptum est: constitui te, ut pater multarum gentium sis: (Gen. XVII. 5.) nempe ut ipsis omnibus eadem esset iustitia coram illo, cui

VIII

cui credidit, Deo, qui vivificat mortuos, (Respicitur ad reiuuenescentes Abrahamum et Saram, ad gignendum mortuos, cuiusmodi miraculum nec ante nec post factum, nec non ad fidem Abrahams prompte credentis resuscitationem mortuorum, et si a mundo condito exemplum rei nondum extiterat, propter quam fidem promptus erat ad immolandum Isaacum, ita ut in eius animo praeceptum de immolatione non collidetur cum promissione de benedictione omnibus gentibus per Isaacum euentura, quia statim restitutionem eius e cineribus expectabat Ebr. XI. 19.) et nominat, quae non sunt, tamquam si essent iamiam. (Nam Deus de innumerabili prole Abrahams loqui solebat, antequam filium habebat, digne quidem maiestate Numinis, cuius scientia visionis res futuras non minus quam praesentes intuetur.) Qui praeter spem in spem credidit (vbi nulla erat spes naturalis, certa spe credidit) ut fieret pater multarum gentium, iuxta dictum: sic erit proles tua (innumerabilis, ut stellae in coelo Gen. XV. 5.) Et quia non languebat fide, non considerauit suum ipsius corpus iam mortificatum, quia centum annos natus erat, et mortificationem vteri Sarae. Quia Dei erat promissio, non dubitauit ultra incredulitate, sed roboratus est fide, dans Deo gloriam (En causam, cur Deus sibi credi velit! Nulla Dei veneratio est sine fide, in hac autem maxima ineat, et quae omni virtuti praestruenda est.) certissimeque consitus, quod, quidquid promiserit, valeat quoque efficere. Quam etiam ob causam hoc illi dictum est iustitiae. Non vero scriptum est propter illum solum, quod illi dictum fuerit, verum etiam nostri causa, quibus ducetur, dum credimus in eum, qui resuscitauit Iesum, Dominum nostrum, e mortuis, qui traditus est propter lapsus nostros, sed resuscitatus propter iustificationem nostram.

Obseruari itaque velim, Apostolum ex historia Abrahams promiscere allegare, quae tum temporis dicta sunt, quando contigit id, in quo memorando additur, quod fides Abrahams iustitiae fuerit Gen. XV. 6. et quae postea de eo memoriae prodita sunt, ut: quum foedus circumcisioonis accepit Cap. XVII. 10; deinde quum natuitas Isaaci indiceretur קְהַת חִוָּה Cap. XVIII. 10. 14. coll. XVII. 21. i. e. simulac tantum temporis effluxisset, quantum opus est ad maturitatem foetus humani in utero materno (coll. XXI. 2. 2 Reg. IV. 16); tum vbi in descripto Sarae periculo documentum extat, quod formam et vigorem iuuentae prorsus receperit, Cap. XX; denique vbi fides Abrahams in promptitudine ad immolandum Isaacum illustrissime spectata est Cap. XXII. Liquid igitur constat, fidem Abrahams ut habitualem spectari, et a Mose tamquam locum communem hoc tradi, quod semper et per omnem vitam fides illi iustitiae fuerit. Sed Paulus simul magnitudinem fidei eius

de mons-



demonstratus commemorat documenta, quae versabantur circa proximam obiecti partem tamquam difficultiam. Quod non ita capiendum est, ac si partem obiecti praecipuam, quae Christus fuit, non praesupponeret, semperque in animo haberet. Nam ad hanc etiam statim slectit applicationem v. 25, docens, nostram fidem, ut factum, amplecti, quod, ut Deo possibile et futurum, Abraham firmiter creditit.

Incipit Capite V. tractatio de magnitudine bonorum, seu salutis, quae in ea iustitia est, qua per Christum fide potimus, et continuatur per Cap. VI. VII. VIII. Caput V. duo continet, primum spem in Deo, quam iustificati habemus v. 1-11. deinde parallelismum, qui aliquo modo est inter Adamum et Christum, videlicet eatenus, ut in altero ab unius peccato mors manauerit ad omnes homines, in altero unius hominis iustitia vitam det omnibus, quotquot iustificantur, hoc tamen discrimine, ut vis iustitiae multum superet vim peccati v. 12-21.

Ad scopum nostrum modo attinet de parte capituli posteriori quedam notare. Vox *vōos* ter occurrit, v. 13. bis, et rursus v. 20. alia semper significatione, veruntamen in contextu sineulla obscuritate, et prima vice aetum legislationis, quae ministerio Mosis facta est, secunda vice legem stricte dictam, seu praecepta de officiis praestandis, tertia denique libros Mosis, quatenus praecepta de officiis et typos continent, denotat. Nempe sermo Apostoli de eo, quem dixi, parallelismo in contrariis, inter vitam omnium, peccato unius perditam, et iustitia unius restituendam, incipit v. 12. sed interrupitur longa parenthesi v. 13-17. tum resumitur, et res breuiter comprehenditur v. 18. sed uberioris dilucidatur v. 19-21. Bene itaque memor Apostolus, disputandum sibi esse aduersus homines, qui iustitiam ex operibus legis velint, et ad errorem suum abutantur libris Mosis, eaque textus Mosaici parte, qua speciosissime abuti poterant, mentionem legis quomodounque sumtae debito loco iniciit.

Planissime autem, uti ex tota epistola ad Romanos, ita ex hoc in primis textu constat, Apostolum verbo iustificationis uti sensu forensi, nec ullo alio. Ad quod recte animaduertendum proprietas trium verborum δικαιοσύνη, δικαιώσις et δικαιώμα non est omittenda. Nam δικαιοσύνη iustitia varie significat, et modo qualitatem, qua quis iustus est, modo beneficium gratiae, quo iusti censemur, denotat; sed δικαιώσις est actus iustificationis, ubi vel agnoscitur iustitia accusati, vel culpa abuletur et peccatum remittitur; denique δικαιώμα est illa ipsa res, qua quisquam iustus est, quisquis sit, accusatus, legislator, iudex, mediator, aut ipsa lex, ubi per prosopopoeiam inducitur.

Audiamus textum ipsum, et sua luce radiabit. v. 12. *Quare quemadmodum per unum hominem peccatum in mundum intravit, et per peccatum mors, atque ita in omnes homines mors pertransit, quia omnes peccarunt:* v. 13. *Nam usque ad legem (legislationem Mosaicam, quae demum contigit seculo XXV.) peccatum erat in mundo, peccatum autem non imputatur, si lex non sit (innuit iam, quod v. 20. apertius dicturus erat, legem scriptam esse accessoriam, quae ne quidem necessaria fuerit, ut esset peccatum. Aliter ante eam peccatum non fuisset, quod secus est. Nam lex alio modo aderat, tum ex verbo Dei ad Adamum, tum ex natura et ratione, ideoque recte imputabatur peccatum.) Sed (nihilo fecius) regnauit (dominationem exercuit) mors ab Adamo usque ad Mosen, etiam in eos, qui non simili transgressionis Adami ratione deliquerant, quae res analoga est illi, quae deinceps futura erat. (ος εστι τύπος τε μέλλοντος. Genius in ος assimilatur masculino τύπος, non ad Adamum referendum, quasi is typus Christi fuisset eo sensu, quo typus hodie in theologia typica sumitur. Τύπος est, quidquid vel rei cuiusdam vestigium, vel exemplar, vel aliquam cum illa similitudinem habet. Hoc loco notatur, quod in consecutione rerum notandarum sit certa similitudo sive analogia, vide licet in eo, quod ab uno ad multos, quinimmo ad omnes, deriuentur illic mala, hic bona.) Attamen non per omnia similis ratio est lapsus et doni gratiae. Nam si unius illius lapsu multitudo hominum mortua est, multo magis gratia Dei et donum, quod est in gratia, quae per unum illum hominem, Iesum Christum, obtingit, in hominum multitudinem exuberavit. Itaque donum se non habet, quemadmodum accedit per unum, qui peccauit. Nam iudicium quidem ex uno (lapsu) fuit ad damnationem, sed donum gratiae est eiusmodi, quo e multis lapsibus iusti simus. Si enim lapsu unius illius mors dominata est, per unum illum; quanto magis, qui abundantiam gratiae et doni iustitiae accipiunt, in vita regnabunt per unum illum, Iesum Christum. Hic finitur parenthesis, de re summi ponderis admonens, quanto minus sit malum ab Adamo ad posteros profectum, quam bonum, quo beneficio Dei per Christum potiri debemus. Si bene stetisset Adamus, tamen, quia liberum cuiusque arbitrium est, delinquere poterat, qui illo abuteretur. Sed sic iudicii reus et damnationi obnoxius erat sine remedio. Iam praeuidebat Deus certa peccata singulorum, et tales Adami progeniem coordinauit, praedeterminauitque ut ab illo genus duceret, quae constat peccaturis. Permisit, ut delicto primi hominis mors ad omnes deriuaretur, quod magnum est in se malum, sed non comparandum cum magnitudine, quam in suo genere donum gratiae habet, quo non tantum liberari possumus a malo illo, quod a delicto Adami ductum*

ducum est, sed etiam a lapsibus noua et propria culpa admissis et ab omnis generis malo. Iam resumitur v. 18. sermo v. 12. coepus. Itaque ergo sicuti per viius lapsum fuit, quod omnibus damnationi esset; sic, quo iusti simus, quodque per unum est, omnibus est iustificationi, quae vitam dat. Quemadmodum enim per inobedientiam viius illius hominis multitudo hominum peccatores facti sunt; sic quoque per obedientiam viius cuiusdam iusti redditur multitudo hominum. Lex autem subintravit (insuper addita est) ut exuberaret lapsus (seu peccatum): Vbi autem exundantius peccatum factum fuerit, multo vberius gratia exabundauit.

Quid v. 20. intelligatur per legem, ex appositis praedicatis iudicandum est, nempe ex duobus hisce, quod lex ministerio Mosis insuper addita est, quodque lex eo valet, ut vis peccati magis et vberius pateat. Huc vero non modo spectant morum praecepta, quae vtique valent, ut exuberaret lapsus, nempe ut vis peccati magis in lucem prodeat, idque dupliciter, primum quia lex per verba docens instruit, ut latius et rectius agnosci possit peccatum, deinde quia ciet peccatum latens in animo, quod lege irritatum tanto magis prorumpit, eoque cognoscitur, quanta aduersus Deum renitentia, quanta a vero bono auersio sit in homine naturali, qua de re, quippe pessimo peccati symptomate, infra Cap. VII. copiosius tractat. Sed et pariter huc referendae sunt omnes leges typicae, quod antea iam explanauimus. Ecquid enim aliud docent, quam peccatum morte luendum, peccatorem purgandum esse, nec aliter ad Deum accedere posse? Omnes victimae, ablutiones, mundationes hoc docent. Ritus omnium sanctissimus, in die expiationis, est publica Dei protestatio de sua sanctitate. Suum enim habitaculum et altare expiari morte et sanguine iussit, ne sibi exprobrationi sit, quod habitet inter populum immundum. Totus cultus Leuiticus est perpetua admonitio de peccatis populi et de peccati reatu, de sententia mortis olim lata, de necessitate peccata morte expandi. Quamobrem quia in praescriptis ritibus per se nihil ineft, quod ad abolendam sententiam damnatoriam digne valere queat; nihil aliud esse poterant, nisi futurae rei pignus et umbra, at in semet ipsis erant publica peccati redargutio, exprobratio, exaggeratio, quae, demta expectatione boni, cuius sacra imago dabatur, nihil quidquam ad iustitiam valere poterant. Non agnoscebat Deus iustitiam in suo populo; alias non pro peccatis sacrificatum fuisset. Sed nec sacrificia ad remittendum peccatum conferre per se possunt; quia ad rem non pertinent. Attamen stricte et sanctissime praescripti ritus seruari debebant; nam res diuina agebatur. Atque etiam id, quod Deus praenotabat, quodque tunc aperte nondum patebat, penitus omitti, vel

XII,

ad alienum sensum, vanosque et turpes errores, flecti potuisset, si humano arbitrio licuisset mutationes facere. Quis enim in antecessum determinare potuisset, cuiusmodi pondus sit in vnaquaque parte praescripti ritus? quae circumstantia magnum quiddam designet, quae accessoria et quasi expletiva sit ad conficiendam cultus typici integritatem, nec non ad eius tuendam securitatem, ad augendam decentiam, ad discrimen constituendum a deastrorum cultu, ad salario sacerdotum apte et sine populi molestia simul ordinanda et sic porro? Quomodo talium rerum diiudicatio potuisset intelligentiae vel arbitrio hominum illius aetatis, quamuis piorum etiam et prudentum, committi? Quam facile negligi aut mutari potuisset, quod in antitypo praecipuum quiddam futurum et ingens momentum habiturum erat? Quemadmodum talia vitia in sacris gentilium reuera insunt, quae sunt cultus degeneres, male intellecti, et de tempore in tempus humanis additamentis deturpati, et humana temeritate residi.

Quod dixi de typicis legibus, quod nec dent, nec afferant et declarant iustitiam, sed peccati vim illustrent, peccatum publice arguant, eiusque turpitudinem et damnationem populo agnoscendam inculcent, et visibili modo pingant, illud etiam mediare et remotius valet de reliquis legibus, quibus politia Israelitarum continebatur, quamquam hoc loco hae omitti possunt, quia in his sigillatim iustitiam, propter quam culpa coram Deo caremus, nemo quaesuerit. His enim legibus constituitur et seruatur respublica populi sancti, sed cuius sanctitas non ex operibus censa est, sed ex foedere gratiae, quo Abrahamo promissum fuit, problem ipsi fore numerosissimam, et sigillatim inter eam populum Deo sacrum, qui possessurus sit terras, in quibus ipse degebat peregrinus, et ex quo nasciturus sit, per quem omnibus gentibus benedicatur.

Iam vide, leges politiae constituunt et sepiunt populum sanctum, inter quem Deus habitet. Media igitur sunt, non finis ipse; non efficiunt sanctitatem populi, sed haec a foedere et sancto Dei domicilio ducebatur. Iam adi sacram palatium; vide, quid agatur coram sanctuario, quid in illo, quando semel per annum sacerdotum principi ad thronum Dei typicum accedere licuit. Nihil cernis, nisi imagines terribiles, publicum perhibentes testimonium de peccato, de reatu eius, de seueritate Dei; caudem vides et sanguinem et mortem pro expiatione peccati, statasqne ablutiones pro mundatione hominum. Bona tamen verba audis. Deus habitans in Israele vocari vult *Iehoua*, tamquam *qui erit is, qui erit, qui in perficiendo certo opere versatur* *), atque in eo *magnus erit miseri-*

*) Vid. progr. de vera eaque relativa nominis tetragrammati significatio ne. Festo Nat. I. G. 1758. et Pasch. 1759.

misericordia, gratia, longanimitate, bonitate, ideoque toto animo vult sibi credi, se amari, expectari. Iam iudica, annon res ita sit, quemadmodum Paulus dixit, etiam quantum attinet ad leges rituales, typicas, politicas? Annon additae sunt, vt magis pateat vis peccati, eo tamen consilio, vt, quanto lucidius appareat vis et damnatio peccati, tanto illustrius splendet gratia Dei, quae peccata remittit, sed remittendi peccati causa suo tempore aget, quod agere suscepit, scilicet quod Christus vere peregit et consummauit? Ex quo patet, quod dicere volui, non opus esse, vt v. 20. *vñc̄s lex vñc̄e accipiatur pro praeceptis morum, quiuimmo id ne fieri quidem recte posse, sed legem h. l. notare tantum, quantum poscunt vel suppeditant adiecta praedicata.* Népos igitur h. l. sunt libri Mosis, sp̄ctati pro substrata materia, quatenus videlicet continent, quod contradistingui possit promissio foederis de gratia in Christo credentibus decreta, et quatenus itaque tractant hoc ipsum, quo peruersi Iudei abutebantur, quando iustitiam ex operibus legis adfectabant, eamque doceri in libris Mosis perperam sibi persuadebant. Res longe secus erat. Scripserat Moses primum, quomodo mors ab Adamo per peccatum in omnes homines dominetur; deinde quomodo per res sacras suo ministerio a Deo sanctitas sententiam damnatoriam de peccato morte luendo quotidie per victimas et facros ritos ob oculos ponat, peccata etiam verbis et factis grauissime arguat, at nihil secius gratiam promittat iis, qui ipsi, vt Deo suo, vñc̄e et toto animo adhaereant. Atque huius gratiae diuinæ primos veluti natales tradidit, quales sunt tempore Adami, et profectus ulteriores, cuiusmodi acceperunt tres patriarchæ, eosque deducit ad suam aetatem, vbi foedus Abrahamo promissum Deus exequi coepit. Atque de hoc suo tempore describit copiose, et in manus posteriorum tradit tenendum et obseruandum, quantam Deus nunc dederit expectationi fidelium firmitatem, quam amplam certamque futurorum spem, qualia testimonia consiliorum suorum publica sanxerit, et sancte custodiri velit. Non igitur sustulit peccatum, non iustitiam ex operibus humanis docuit; sed expectationem gratiae sic stabiliuit, vt peccatum exuberaret, i. e. vt vis eius luculentius appareret.

Capite VI. Paulus docet, quomodo cum fide iustificante vita prorsus noua et sancta necessario coniuncta sit. Deducit hoc ex ipsa munera Christi, in quem credimus, ratione. Etenim quatenus Christus est iustitia nostra, cum illo σύμφυτοι γινόμεθα v. 5. veluti coalescimus in unum, et censemur in eo, tamquam qui praestiterint, quod is praestitit, quemadmodum is se dedit, vt pateretur, quo luere et expiare delicta peccator tenebatur, dummodo id fieri potuisset. Ex quo consequitur, vt

iusti-

XIIII

iustificatus se ipsum non aliter spectare debeat, quam hominem, qui censetur peccata sua propterea morte luisse, quia Christus pro illo mortuus est, sed qui ex morte ad nouam, sanctam, beatamque vitam Deo viuendam, resuscitatus est, sicuti Christus peccato semel mortuus Deo in perpetuum vivit v. 2-13.

Ad nostram disquisitionem ex toto capite iuntaxat pertinet, quo sensu v. 14. dicatur, *quod iusti per Christum non sint sub lege, verum sub gratia*. Non cogitari h. l. debet de lege speciali Iudaica, quasi dicatur, Christianos ab hac immunes esse; quod alioqui certum est, sed nunc non docetur, ex indeo autem et scopo legis typicae, quem Apostolus iam exposuit, per se patet, scilicet quia umbra Christi in cultu Dei cessat, postquam Christus adest. Neque etiam libertas a lege caeremoniali ad conclusionem de necessitate vitae sanctae attinet. Nam sanctitas vitae etiam in veteri testamento pariter necessaria fuit. At vero alia res agitur. Doceri debet, fidem, quod Christus nostra iustitia sit, necessario cum vita sancta coniunctam esse.

Enim vero quid sibi velit phrasis sub lege esse, intelligitur primum ex opere sub gratia esse, deinde ex modo ratiocinandi: *peccatum vobis non dominabitur, nou enim estis sub lege, sed sub gratia, in quo enthymemate necesse est subaudiri propositionem: causa, cur alicui dominetur peccatum, est in eo sita, quod sub lege est, non sub gratia*. Non igitur lex simpliciter consideratur, quantum est norma viuendi, sed cernitur eius respectus et ratio seu relatio ad peccatorem. Hinc per prosopopoeiam lex ut index obiurgans et damnans inducitur, Deoque ipsi, quoniam is in Christo non vult damnare, sed clementia vti, quodammodo contradistinguitur. Quamdiu igitur quisquam est sub lege, h.e. quamdiu aliud nil accipit, quam quod sententiae damnatoriae subiectus sit, tamdiu peccatum ipsi eatenus quoque per legem dominatur, ut non emendetur, sed ut peccatum vehementius prorumpat, nec homo libenter velit Deo obedire, sed nittatur in vetitum, negata cupiat, Deum odio habeat, qua de re statim Apostolus uberior tractat Cap. VII.

Est igitur h. l. νόμος, quidquid de verbo scripto contradistinguitur ξένη, ideoque lex strictius accepta, sed formula ὑπὸ νόμου sub lege esse non obligacionem legi debitam notat, sed oppositum gratiae designat, nempe sententiam damnatoriam. Locutio synecdochica est, et genus pro specie nominatur, aut, si mauis, totum pro parte. Nam notio generalis: *esse sub lege*, duo complectitur, scilicet τὸ obligari, et τὸ iudicari a lege, quorum posterius iam spectatur. Dici etiam potuisset, non estis sub sola lege, scilicet quae, si sola esset, obligaret pariter ac iudicaret; sed Ebraeis frequens est, adiectivum excludens omittere. Si quis ergo non sub sola lege est, sed sub gratia, obligatur a lege quidem, sed non dominatur.

Uberius explicatio nostra confirmatur per consequentia. Nam qui iuxta v. 14. sunt sub lege, non sub gratia, vocantur v. 17. 20. serui peccati, quibus propter peccatum moriendum est. Non tamen vocantur serui legis, quemadmodum v. 22. iustificati dicuntur serui Dei facti esse, et v. 18. serui iustitiae. Nam offensionis aliquid haberet, si quis negaret, homines seruos legis Dei esse, quia obligationem ad legi obtemperandum sustulisse videretur. Sed quantum ad obligationem, qui obtemperare debent legi, tamen non serui legis, sed Dei serui vocantur: et quia per gratiam Dei restituuntur, ut obedire possint et velint, nominantur serui iustitiae v. 19. qui opponuntur seruis peccati v. 16. Dei revera lex est gratia. Sed quia Deus in Christo gratiosus et iustificans inducitur,

fit



fit duplex prosopopoeia. In altera dominans sifititur peccatum per legem, in altera iustitia per gratiam. Peccati dominatio mediante lege ad amplius peccandum, tandemque ad mortem, adigit; scilicet quia peccator a lege damnatur, at ea re non melior fit, sed exacerbatur. *Iustitiae dominatio per gratiam, et vicissim gratiae dominatio per iustitiam,* tendit ad omne bonum, ad nouam vitam, et postremam ad beatitudinem aeternam. Iam voluntas Dei non est, ut peccator pereat, sed ut salvetur. Quare in prosopopoeis eleganter hoc discriminatur, ut lex, quoique damnat, quasi seorsum inducatur; ita tamen, ut non lex dominetur per peccatum, quod indignum foret, nam lex per se et iuste dominatur, sed peccatum dominetur per mortem, cuius sententiam lex fert, ideoque dominatur in eos, qui sub lege, sed non sub gratia sunt. E contrario de his, qui sub gratia sunt, promiscue dicitur, quod sint servi Dei, vel servi iustitiae, quodque imperium in eos teneat sive gratia sive iustitia, ad vitam aeternam.

Simile decorum in vsu prosopopoeiae seruatur in argumento illustranti, quod statim sequitur Cap. VII. 1 - 6. quod, nisi contextus totius tractationis, ex debito quasi visionis punto, spectetur, quemadmodum hucusque spectandum exhibuimus, magnas habet difficultates, et fere crux interpretum est, cum tamen omnis illustratio ad facilius intelligendum viuidisque cogitandum comparata esse debeat. Scilicet quia lex peccatoribus mortem denuntiat, cui sententiae subsunt, dum vivunt, nec nisi luenda mortis poena illi satisfit, quamquam si fieri posset, ut tolerata morte in vitam redirent, vis sententiae illius damnantis exspirasset, quod tamen in homines non cadit: Apostolus propterea necessitatem, qua peccator reus legi damnantur deuinctus est, comparat cum alligatione vxoris ad maritum, quae itidem, docente lege, i. e. Scriptura Sacra, in locis, vbi ea de re agitur, per omnem vitam permanet. Non nisi mors legaliter dirimit coniuges. Vtraque pars, sive maritus, sive vox, coniugii vinculo morte coniugis ita liberatur, ut superstes iuste nouum coniugium inire possit. Iam nouam hominis iustificati alligationem ad Christum cum novo coniugio, cuius vinculum prorsus perpetuum sit, comparare instituit. At incongrue diceretur, legem mortuam esse. Non enim de lege rituali loquitur, sed de lege omnes ubique peccatores damnante, et cui omnes pravae cupiditates oppositas sunt, v. 5. Quare in applicanda comparatione, nos, dum iustificati sumus per Christum, legi ait mortuus esse. Nempe mortui sumus cum Christo, ut mors eius nostra sit ex decreto gratiae Dei, quando credimus; non secus ac si in potestate nostra fuisset, delicta morte expiare, et post expiationem in vitam reuocari, idque reuera a nobis ita praestitum foret. Itaque mors Christi, quantum fide ad nos pertinet, scindit vinculum, quo dominanti ad damnationem legis iurisdictioni adstricti fuimus. At enim vero iustificatio per Christum nouum nexit vinculum, quo per omnem vitam Christo proprii, eoque Deo ipsi gratiose iuncti sumus. Alligatio ad legem ius dicentem dammandi causa, non nisi morte tolli potuit; quemadmodum subiectio vxoris sub maritum lege sanctitur, ut per omnem vitam maneat, sic ut ab ea nullo modo liberetur, nisi velit adultera esse. Itidem noua obligatio, qua Christo deuincti sumus, perpetua efficitur. Sed haec necessarium facit, ut legi diuinae obtemperemus, atque hoc ipsum Paulus docere et illustrare, volebat. Quare non, legem mortuam esse, dici poterat, ne legis ius obligandi exspirasse putaretur, quod fieri nequit. Sed bene nos dicimur legi, quantum nos vincitos tenet sententia mortis, mortui, et morte Christi ab hac adstrictione liberati, nouoque et meliori

vin-



XVI

vinculo Christo alligati esse. Sic libenter Deo seruimus ἐν κανότητι πνεύματος in novo animi statu, quem Spiritus Christi dat, οὐδὲ παλαιότητι γράμματος, et non seruimus antiquo illi statui, cuius tenaces sunt aduersarii Euangelii, ostentantes literam scriptam, tabulas et leges, quas Moses accepit, non capientes, quorum sum id spectet, quod scriptum est, eaque inscritia Spiritum S. et vitam in Christo Iesu repudiantes.

Verba sic fluunt Cap. VII. 1-6. *Aut un nescitis, fratres; gnaris enim legis loquor* (qui norunt Scripturam S. veteris testamenti. Non enim opus est, visitatam verbi legis significationem hoc loco deserere, quamquam per se patet, id, quod citabitur iam ex sacra Scriptura, partem esse legis stricte dictae.) *quod lex* (statutum de vinculo coniugali, que est pars legis strictius dictae) *dominatur in hominem, quamdiu vivit?* Viro scilicet iuncta mulier viuenti viro alligata est lege; quando autem mortuus fuerit vir, absissa est ab illa lege viri. Quapropter itaque viacente viro adultera vocabitur, si fiat alius viri; sed quando mortuus fuerit vir, libera est a lege, ut non sit adultera, dum sit alius viri. (Iam putauerit aliquis dicendum fore, sic lex vobis mortua est, vt iungamini Christo. Sed modo notavimus, incongrue de lege Dei dictum iri, legem mortuam esse. Non lex moritur, sed mortem indicit peccatori, qui iurisdictioni legis ipsi dominanti subest cum magno suo malo. Ne de lege typica quidem digne diceretur, quod mortua sit. Potius data propter scopum temporarium cessat morte Christi, nimirum cessante causa. Sed comparatio, qua Paulus vtitur, non perit, vbi inter duos terminos, qui cum coniugibus comparantur, morte dissoluendis, mors de alterutro asseritur; ideoque dicitur de ea parte, de qua congrue dici poterat. Et in antecedentibus legens facile subaudit: similiter maritus mortua vxore ab illa dissoluitur.) Adeoque fratres mei, etiam vos necati estis legi (*τῷ ὅπῳ νόμον ἔβασι*, VI. 14. nexui illi cum lege, vi cuius vos iuste damnaret, et morti addiceret) per (necatum) corpus Christi, ut in alius possessionem veniretis, eius nempe, qui e mortuis resurrectus est, ut fructus feramus Deo. Cum enim in carne essemus, (carnales, nondum conuersi ad Christum) pathemata peccatorum, quae per (ipsam) legem, (concitatabant) operosa erant (tanto vehementius operabantur, quando lex vetabat) in membris nostris, ut prouentus, qui inde fiebat, mortis esset. Nunc vero absissi sumus a lege (a nexu subiectionis sub sententiam legis damnatoriam) dum mortui sumus, rei illi, qua tenebamur, ita ut nunc seruamus in nouitate Spiritus (in novo statu, qui Spiritus est,) non vetustati literae (non vetusto statui, quem tenent, qui literam ostentant, sed Christo et Spiritu carent.)

Quae dicenda restant, futuro programmate sequentur, et claudent tractationem. Iam gaudemus, quod congrue his, de quibus proxime dictum est, memoria resurrectionis Domini, qui nobis iustitiae et saluti esse solus potest et debet, indicenda est. Celebrabimus eam quoque more consueto oratione solenni, festo resurrectionis D. N. I. C. in templo academico, habenda a Nobiliſ. Doctiſ. IO. LUDOVICO GRIMMIO, Ratisbonensi, eximiae indolis et spei iuuene, qui sermone graui et luculento exponet de ſupertiffimo Christi confilio in diligendis iis, quibus se rediuiuum ostendere voluit. Ad audiendum igitur ut statim ab hora XII. conueniant, ILLVSTRISSIMOS COMITES, VTRIYSQVE REIPUBLICAE PROCERES, Cines denique Generofſimmos Nobilifſimosque, humaniſſime inuitamus, rogamus. P. P. Lipsiae Festo Paschatis A. N. C. CICIDCLXVI.

LIPSIAE,
LITTERIS VIDVAE LANGENHEMIAE.



Fe 3031
S

ULB Halle
005 217 547

3



W. W. A. C.



3

D. CHRIST. AVG. CRVSII
OBSERVATIONES
DE
V S V
VOCABULI NOMOE. LEX
SIGILLA
IN EPISTOLA S. PAVLI
SECTIO TER
PROPOSITA
IN ACADEMIA LI
FESTO RESVRRECTIO
CIC 10CC LXV

